

咸淳重修毗陵志

重修毗陵志卷第二十五

僊釋

緇黃有廬自漢唐已然 國朝天慶光孝以奉

祖而設九宮刹羅布天下彼悉得以祝

聖名隸毗陵者視他郡雖少然其徒蟬蛻物表幻夢  
塵世者往往有之因牽聯得書

晉陵

梁

王八百隱於橫山修煉歲久白日飛昇後爲立登隱

觀今冲虛觀是已丹井尚存

錢真人田家女建康志云嘗偕姊妹之茅山師事陶  
隱居誦黃庭內外篇閱三十餘歲普通三年七月  
其姊佩白練入燕洞而隱妹踵至扉已闔矣  
道雲師天監中爲僧於金陵高坐寺臺上講經天花  
繽紛講竟乃止因名雨花臺

唐

王慧辯字靈機風骨神俊吳中樊桐士目爲僊明梁  
棟正觀間居騰僊觀永隆二年夏五旦忽語人曰

後五日逝矣是日亭午整衣歛板而終見劉曄之  
文

普照明覺大師西國人即泗州僧伽高宗龍朔初時  
年三十始來中國嘗寓國祥寺殿宇將壞師潛以  
衲衣置梁上詔于衆曰有人主來修此師遂行其  
衣常有異香後三十年寺大興皆僧全氏之力又  
留鏡與笠在外兩邑景龍四年三月二日入滅  
殯泗州中宗一日語萬回曰僧伽何人對曰觀  
化身爾帝益加重僖宗朝以骨塑像嘗謚真相云

宋歸真大中間棄官學道隱橫山茹芝絕粒三十年  
所夕諷誦蛇兔馴伏趙守需目其室曰廣寒

陳元吟修道橫山馬刺史植嘗造其廬卒之日有異

蹟

二事見  
徐錯記

五代

韓禪師名蘊魏府人疏山光仁之法嗣行解通脫爲  
衆導師一日示衆飭其徒金軀以葬未幾州刺史  
誅於浮言伐冢斲棺出而燔之膚爪如生須長數  
寸益薪熾火不能壞道俗作禮具湯沐髹塑之祠

千求慶寺水旱疫癘禱輒應

國朝

劉混康吳隍人幼疏曠寄食太和觀一日遇異人於  
橋側與語即歸其師呵之曰汝去幾日宿何地混  
康恍不知未幾復遇授以呪術治疾輒驗微廟  
聞而召之先是混康目睫間有灼癢辭不敢見有  
爲舉手移於髮際遂入對後佳茅山元符萬壽宮  
賜號靜一先生卒贈太中大夫

魯道幼入天慶觀翊聖院奉洒掃旦汲泉置盂爲供

一日泉湧如沸白其主視輒止已而復沸立飲之  
自是陽狂言事率有驗善療人疾時吳中何蓑衣  
亦得奇術或往丐醫何叱曰汝郡自有魯道暨歸  
訪之魯迎笑曰蓑衣逐得好淳熙間先逝數日遍  
語知識若別去狀跌坐而瞑方葬有羣鶴飛翔今  
通吳門外菴猶存

陳葆光受業天慶觀真武奉白壁授之遂善符篆  
治病輒愈撰神仙蒙求三卷晚佳茅峯主章醮天  
燈嘗示現云

宜興

唐

劉商彭城人第進士歷尚書郎性沖澹以病免東游  
茅山至義興張公洞登畫溪極愛賞遂隱湖汭渚  
後樵者見之曰我劉郎中也莫知所終

混淪先生權德輿謂壯歲遇於荆溪羽衣古貌瞻仰  
不暇未皇問道一別六七年訪我于練湖之濱以  
藥囊藜杖自隨焉

毛萇不知何代人遊張洞自洞底東至太湖中洞庭



山得石穴而出今山上有毛公洞

太湖洞庭山一名包山有毛壇

鍊丹 葛自言在洞中東行聞頂上有風波聲及舟

人語乃知地脉潜通云

王氏女乾符中與嫡母裴所生母劉寓居義興桂品

山幼不茹葷攻詞善琴既笄誓不嫁常誦大洞三

十九章一日微疾索筆題石上云翫水登山無足

時諸僊頻下德琴詩 心不恋人間世惟見庭前

雙鶴飛是夕奄逝

善伏師蔣姓義興人一名等照生即白首誦經一

目七行正觀中逃隱出家至天台超禪師所示以  
西方靜土觀行顯慶五年終於衡嶽

圓通尊者名湛然姓戚氏荆溪人初任越州曇一法  
會晚歸台山傳天台教令赤城釋籤品是也天寶  
大曆間優詔不起一日說法隱凡而化以骨塔附  
智者大師兆吳越時追贈今號

大旒禪師金陵人禮牛頭山六代忠禪師密授祖意  
元和中住芙蓉山與龐居士問答機鋒如電大和  
中追謚大寶禪師

稠錫禪師舊志云桐廬人開元間卓菴南嶽忽膝間  
聞嬰兒聲師曰有是哉喝開菴前桐木納衣錫下  
山得一嫠婦與偶生二子一日晨炊俾復進羹妻  
辭以盡曰非羹盡乃緣盡復取衣錫歸故菴衆謂  
不納師偕二虎與決去留衆懼請止集衆五百為  
大禪刹黃品志云師名清晏在南嶽飛錫至白龍  
山有神立侍其左又云娶社氏生三子曇翼曇  
曇鎧杜卒攜三子歸故庵三子俱有聲叢林其餘  
略同

晉門師姓何氏濟人侍父玠尉宜興尋卒師泣血終  
慕元宗詔遺逸郡以師應不起天寶中受度于南  
嶽寺博開彊記蕭公定輩皆與游正元間歸宋建  
塔西澗許孟容爲記石刻今存

大蘆禪師名鑒真姓潘氏薊人幼慕禪律父母不能  
奪送至寶集精舍經偈如夙習大和八年受具足  
戒謁大梅真卷資師大中間遊陽羨住大蘆院咸通  
初賜院額李蠙命住善權寺不樂就卒歸大蘆以  
逝有塔號禪大德

孫菩薩

勝辯禪師

義興和尚

並見傳燈錄

國朝

許堅不知何許人乾德間有文行于世幅巾芒屨短  
攔至骭自負布囊未嘗啓浴溪澗中不解衣或問  
其故曰天象參列可裸程平陳舜俞廬山記云簡

宋觀外有堅曬衣石

詳見寺觀

申屠有涯性不羈携一甕餅可受八九升一日自楚  
游吳脫衣附舟舟中之人已十數有涯酤酒斗餘  
飲竟大吐衆怒逐有涯曰風雪如許棄我何之諸

賢不相容何可共載挈瓶登岸倚木吟曰仲尼非  
不賢爲世所不容畫豈同舟子不識人中龍吟詭  
跳身入餅中皆駭視卒餅碎之無所覩他日有見  
其携餅杖踞坐虎丘云

姚生遊張洞秉燧而入遇二道士對弈生意得食道  
士指青泥數塊啖之咀嚼芳馨曰可去矣謹勿語  
人生再拜謝潛懷其餘出遇賈胡驚曰此龍食也  
泥出洞堅已如石

尹生業爲圓器

俗謂匠

一日與人入張洞行未遠失尹

生同行者遽出越三日乃歸扣之云爲霧所迷久而扳援磴道以濟初不知爲三日時官中大殿久圯欲支葺無良工尹生曰我能是衆以非素習咸笑之後果集事方悟其有奇遇云

### 觀寺

宮觀

宮古者上下通稱觀乃樓觀也仙人好樓居故道家取此義南北朝或稱道館

### 州

天慶觀在州東南四里舊在行春門城壕晉永嘉初毛中尉捨宅建梁大同號寶莊嚴唐景龍改曰龍

興淮南順義中築外子城徙今地 國朝開寶中

郡俞思首創三清殿天聖五年重修六年上遣

內瑄賜真武象一僊衛道器稱是大中祥符元年

天書降賜今額五年詔即觀建殿奉安 聖祖神

御長吏朝謁如式今正殿有三前曰金闕寒陽次

曰昊天上有通明閣次曰太清東西脩廊皆五十

餘楹南極北斗五嶽三官諸殿與翊聖真武院介

其間紹定間新建藏殿屋簷傑棟爲吳中道宮之冠

澄清觀在州南金斗城外西偏舊在武進縣尚宜鄉



舊傳王祥捨宅建祥女妹皆入道自後女冠多其族國朝太平興國三年先徙于城東武烈廟七年州給教場廢地改築廣袤十六畝周都官絳爲記先是有銅鍾一唐廣德中王王僊募鑄踰千五百斤音響清越紹興末取入吳山三茅觀至今禁廷視爲興寢之節云

真武道院在法濟寺西國朝至和二年建舊記謂有龜蛇之異

晉陵

沖虛觀在橫山梁有王八百修道得仙陳朝以州東北爲鬼道因築道館以鎮之名登僊中遭燬蕩唐乾寧初道流張皎然等重建開寶七年大加營繕徐內史錯爲記大中祥符二年改賜今額

武進

含輝觀在縣西北七十里梁交州刺史陳文則宅舊址宗令純有記唐乾封元年告成中嶽有景星之瑞命天下立景星觀守劉德敏以此應詔大中祥符二年改賜今額

大和觀在縣南三十里梁朝始創歲久廢唐正觀中  
道流王慧辯於舊址北重建中書劉禕之爲記名  
勝僊大中祥符三年改賜今額

昇僊觀在縣西南三十二里唐開元七年張氏子嗜  
酒飲輒一石鬚髮如銀越二載白晝策驢上昇捨  
宅建此故名

無錫

洞虛觀在縣東數百步梁大同二年建名青元大中  
祥符二年改賜今額慶曆中燼於火嘉祐二年重

建三清殿後寢復舊云

明陽觀在璨山 國朝崇寧中道士盧至柔築庵修  
道大觀初茅山元符宮籙劉混康嘗薦之是歲九  
月詔賜今額

妙覺觀舊在縣北四十里梁大同二年建名如覺爲  
女道士居 國朝至道三年徙于縣南百五十步  
梁溪上改賜今額

洞陽觀舊在慧山陸羽記云觀旁有洞潛通包山梁  
天監中建隋大業間寺廢洞亦堙其地給薦福寺

宜興

天申萬壽宮舊名洞靈觀在張公洞唐以前為寺開  
元初萬惠超天師投龍簡奏復焉明皇為題扁韓  
熙載記云青龍將闕尹重來白馬共胡僧卻去又  
云舊御筆以題額賜洞靈之美名 國朝熙寧五  
年內璫王紳有觀古吳自赤烏年之句乾道六年  
內侍劉能真入道請陞為宮祝 高廟壽改今額  
有介福殿

通真觀在縣東南八十步陳太建二年建名弘道唐

神龍山改興道大中祥符二年賜額玄道避聖  
祖諱改今名有北極閣南唐保大中道士馮道京  
建徐鉉爲記第錯篆扁閣前有丹井手植雙柏今  
不存邑人虞奉詩云雙樹婆娑三百年江南秀色  
上參天李堅云璇璿非復舊宮壇獨向徐碑識二  
難井底丹靈勿輕汲昔年曾壽兩蒼官紹興末道  
士焦善淵請爲行在寧壽文院嘉定初建輪藏  
冲宋觀在縣西北六十里唐弘道元年周長官選所  
居井有白兔昇天捨爲觀

井在三清殿

舊名凌霞大中

祚符八年賜額玄寂避一聖祖諱改今額蔣穎叔  
詩云兔飛賢令井鯨吼貳卿鍾自性從父希魯肯  
施鉅鍾神僊傳云南唐隱者許堅至此浴漏湖履  
波而逝李堅詩云玉兔朝天去不廻空餘露井蘆  
晨杯屋鈴不語湖如掌無復凌波逸士來

寺院

寺本官府之稱後漢浮屠初入中國館於  
鴻臚寺及造精舍因名白馬寺隋更曰道

場唐武德  
爲寺院

州

報恩光孝禪寺在州東南四里舊名廣福唐天復間

齊雲長老維亢施舍利寺址淮南楊行密因名  
齊雲南唐保大中建浮屠七級龕僧伽所留國祥  
寺衲衣號普照王塔崇寧二年詔天下建崇寧寺  
州以此應加萬壽二字四年八月賜塔名曰慈雲  
政和元年改崇寧爲天寧即上誕節名紹興七  
年更曰報恩廣孝有司尋以廣孝犯太宗謚改  
今額十二年詔爲崇奉徽廟道場

太平興國禪寺在州東南四里齊高祖創名建元唐  
乾元中僧法備始大之穹堂偉殿甲子諸刹太平



興國中改今額胡文恭記云蕭齊舊刹吳土名藍  
蘇文忠嘗賦牡丹詩云武林千葉照觀空別後湖  
山幾信風自笑眼花紅綠眩還將白首看鞵紅建  
炎初燼於兵僅餘三數殿與甘露戒壇云

薦福禪院在州東南四里楊行密詩建元寺西地  
建以歙州清協禪師居之協嘗住廬山香爐峯俗  
號爐峯院國朝咸平中改今額有紅梅閣淳熙  
中燬不存舊歲貢闈未建嘗寓試焉

永福禪寺在州東南三里梁天監元年建舊名建

唐大中間馬刺史植以郡人潘建宗請重造今廢  
龍興寺在州東南二百步陳至德中建舊名中興唐  
神龍中改今額

顯慈永慶禪院在州東南四里運河南舊傳武烈陳  
帝果園唐長興初名正勤咸平六年以承天節名  
天下寺觀政和七年避后土號改曰能仁宣和中  
詔為神霄玉清宮詔書刻石後宮廢復舊建炎四  
年張參政守請為墳剎改賜今額

新興廣福禪院在州東南四里偽吳時為浴室院南

唐保大中名新興熙寧中改曰壽聖隆興元年避  
高廟冊号詔天下寺觀並改今額

國安禪寺在州東二里唐初名國祥僧伽嘗留衲衣

寺後寢廢

詳見  
山釋

崇勝禪寺在州東南二里武烈帝西第廟有軫氏捨  
宅䟽初名杜業更曰福業太平興國中改賜今額  
有觀音閣今為祝 聖道場

正覺寺在州東南二里唐開元中建名開元寺乃李  
大夫遵宅舊址 國朝改今額後罹兵燹餘一古

殿有鐵鑊面徑尋及銅模明皇像慶曆中武進令  
楊與重飾樂安任膺為贊畧曰有唐令王遣像在  
茲三教備躬範鎔出奇嘉定間好事者欲取之有  
題于壁云衣冠佛老履為儒謂君三雜左法嘗全  
不差天室事可憐捐已奉苞苴遂已至紹定像鑊  
終不存

報恩感慈禪院在州東南三里 國朝治平初胡副  
樞宿請額建院晁無咎贈感慈老云感慈神駿渥  
洼流壁上高僧莫遣酬蘇文忠亦有詩

見詞  
翰門

法濟禪院在州東南二里初名浴堂院 太平興國中改法濟邇年浸廢 咸淳初元權管僧德永以院之江陰莊私獻貴戚家其徒訟于郡家守鉉翁屏之時 朝建已置晉武兩縣主學教養無所因士衆有請白之禮部為兩縣學就以江陰莊養士符從之

崇法禪院在州東南二里舊傳武烈帝後園南唐保大中名大暉院大中祥符二年改僧伽院宣和七年賜今額

華嚴教院在州東南四里舊為太平寺支院名法華  
有曼殊普賢二臺東西對峙最偉特比歲寢廢為  
人撤毀惟門屋佛殿僅存蘇文忠屢嘗遊憩題蒼  
荀亭云六花蔭荀林間佛九節菖蒲石上僊何似  
東坡鐵拄杖一時驚散野狐禪

資聖禪院在州東南四里唐咸通中建舍比丘尼  
國朝宣和六年重繕乾道間創三門孫鴻慶有記  
妙勝禪寺在州東南一里有奇晉永和中小李大夫舍  
宅建陳至德元年郡人姜氏為尼者三遂增闢唐

永初四年名天靜 國朝元祐間賜今額

晉陵

感慈顯慶禪院在縣東南二里元祐三年胡右丞宗  
愈請為墳剎賜今額

紅塔禪院在縣西北三里山門題梁有大唐某年建  
字餘多漫剝舊有浮圖建炎間撤去得斷碑云熙  
寧元年九月重建

廣福禪院在縣東南五里唐天復中齊雲長老繼亢  
建名齊雲南唐保大中改今額前有雙松對峙驛

原缺



景德禪院在縣西南五十里唐咸通中建名寶田

國朝景德中改今額

慈福禪院在縣東南三十里唐咸通中建名永安

國朝崇寧二年改賜保安三年再改今額

大中祥符禪院在太湖中津里山隩始號靈山唐正  
觀初徙自馬跡山里民抗憚捨祖墓重建寺居重  
湖疊嶂間最爲清絕大中祥符中改今額宣和四  
年陞爲寺

接待院在縣東南二十七里

武進

寶林寺在縣南三十里周閔帝捨宅建名法華國朝改今額

乾明禪寺在縣南四十里唐大中五年馬守建名緣果太平興國中改今額

同興禪寺在縣西南六十里唐正觀中鎮威將軍薛恬武陵王記室薛世緒徐州西曹從事薛法興捨宅共建名樂善國朝改今額

瑞像禪寺在縣南六十里舊名寶相大中祥符中以

今額

智寶禪院在縣北七十里萬歲鎮梁武帝舊第天監七年舍爲院名慧炬僞吳天祚間重建太平興國中改今額胡荅稽詩云六代煙塵息千年象教尊衣冠悲故里聚落見荒村

觀音禪院在縣西北六十里唐開元中建名善業國朝元豐初主僧慙澄重建尉高子方爲記至厯上將曹公之故居 國朝改今額

能仁禪寺在縣西三十里齊黃門侍郎蕭惠開舍宅

建名禪鄉 國朝改今額

無錫

崇安寺在縣東三百步晉興寧初建名興寧本主右  
軍舊宅太平興國初改今額建炎中燬後重建紹  
定間創千佛閣千東廡

福聖禪院在縣南梁太清建名護國唐咸亨中名靈  
山後廢天聖間重建改今額俗號南禪有僧伽留  
錫塔崇寧賜名妙光

壽聖禪院在縣南半里名鳳光唐武德中與橋同建

後廢開寶八年兩浙統官施仁福始創浴室院治  
平中重建改今額俗號北禪

崇教禪院在縣東三十里梁大同二年邑人王建捨  
宅爲之名祇陁隋大業五年廢唐上元初重建舍  
昌中又廢乾符二年復舊國朝淳化二年賜今  
額

保寧禪院在縣北二十里梁大同二年建名福愛隋  
大業間廢唐上元初重建淳化中改今額舊傳爲  
甘羅宅旁有甘蕩

興教禪院在縣東南四十里梁大同二年建名施陀  
紹興元年賜今額

靜教禪院在縣東四十里陳至德元年建名善寂隋  
開皇中吳郡刺史陳子邁捐資增創大業盡燬唐  
上元間重繕會昌又廢尋復舊太平興國五年改  
今額

圓通禪院在縣東七十里唐乾元初建名乾元國  
朝景祐中改今額有石刻金剛經

廣濟院在縣東六十里唐乾符三年建名甘露風土

記太伯時其地有甘露故云太平興國八年改今額

普寧禪院在縣南四十里梁大同元年建名長泰國朝改今額爲僧伽留笠之所

保安禪院在縣南十里國朝乾道初建賜今額

善智禪寺舊在縣南二十八里唐乾封中建國

徙入縣郭鳳光橋北舍比丘尼崇寧間改舊

扁猶藏佛殿

淨慧禪寺在縣南三十六里舍比丘尼國朝賜今額

旌忠薦福禪寺在歷山梁大同三年建名法雲唐會  
昌中廢咸通重建亦名慧山至道中更名普利紹  
興初 昭慈聖憲后宅請爲墳刹改今額

崇親報德禪寺在膠山梁大清初建名彌勒隋大業  
五年重創至道中更名興化紹興間李丞相綱請  
爲墳刹改今額

華藏褒忠顯親禪寺在縣西三十六里青山巒國  
朝紹興中張循王俊即墳建刹賜今額有亭名雲  
海瞰太湖騷人墨客多吟詠尤遂初亭前山色遠



危欄之篇尤瞻多

見詞

後厄於回祿寺非舊觀而

亭如故

翠微禪院在陽山梁太清元年建或云大同二年名  
遠山唐咸亨八年改為禪院太平興國中改今額  
開利寺在縣西三十五里洛社舊傳晉王右軍別墅  
梁太清元年建名興福景祐三年改今額

普利禪院在縣東南四十三里紹興五年超法師建  
榜以慧山舊額蔣丞相希請為墳刹

觀音教院在縣北門紹興初建

宜興

法藏禪寺在縣南二里舊在縣西五十里談村蕭齊  
時建名重居唐上元二年徙今地成悅山門記云  
蕭齊之時處縣秋野肅宗之世移城炎方會巨廢  
咸通中復大中祥符間賜令額陳古靈嘗賦紫菊  
詩云山僧揖我臨階坐眼到欄邊心即喜便欲移  
歸種郡齋忍令於此風煙埋燕穎叔亦有諸禪室  
衆芳詩淳熙中改律為禪紹定初令趙興新倡邑  
人重創大雄殿淳熙己酉是年趙令生後  
二十一年己丑殿成而今卒殆有

真數

云

顯親追孝禪院在法藏寺東為寺支院 國朝建中

靖國初蔣樞密之奇請為墳剏賜令額

勝果禪院在南嶽山齊永明二年建唐天室中稠錫

禪師廬其旁有滌腸池卓錫真珠二泉天然井又

有吳越金書法華經二袈 國朝改令額鄒道鄉

歸自嶺表卜吾未遂李丞相伯紀有乞取拙庵踵

道鄉之句紹定初重創法堂云

廣教禪院在善卷山齊建元二年以祝英臺故宅建

唐會昌中廢地為海陵鍾離館之所得至大和  
李司空瓚於此借榻肆業後第進士咸通間贖以  
私財重建刻奏疏于石崇寧中傳待制梅家以恩  
請為墳剎宣和改為崇道觀建炎元年詔復為院  
廣福禪院在芙蓉山唐乾元初建名乾元舊刻云  
軒大毓禪師駐錫此山熙寧二年更名壽聖有三  
到亭紹興八年僧了清為記有龐居士三到斯山  
之語隆興元年改今額

廣福利益禪寺在縣西五十里梁天監十年建名

利益熙寧中加壽聖二字隆興改今額

廣福開勝禪寺在縣西南五十里唐上元二年建名  
開勝熙寧中加壽聖隆興改今額

廣福金沙禪院在縣東南四十里唐陸希聲讀書山  
房熙寧三年賜額壽聖金沙隆興改今額孫鴻慶  
詩云一龕明滅佛前燈破衲猶殘一兩僧說似鴻  
盤讀書處試尋幽伴注烏騄

廣福伏龍禪院在縣西南二十里齊永明二年建名  
會善唐光化三年僧道洪居之號龍溪彌勒上生

道場熙寧三年賜號壽聖伏龍隆興改令額

樞林禪院在橫山唐咸通二年里人張氏捨宅建名  
太盧靈峰太平興國中改令額舊居山麓至和間  
僧宗震徙令地有華嚴閣

崇明禪院在縣南七十里唐咸通十二年僧洪贊建  
名石佛尋曰實善南唐更名應天太平興國五年  
改令額

福勝禪寺在縣東北二十五里梁大同元年交州刺史  
楊師利捨宅建陳末寧元年名安國太平興國

五年改今額

慧光禪寺在縣西五十里本臨津縣齊明寺縣廢寺  
亦毀唐上元中重建天寶八載更名圓照太平興  
國五年改今額

聖感禪院在縣西七十里齊永明元年建名香勝唐  
廣明中更名禪林護國太平興國五年改今額

慧明禪寺在縣西北九十里臨洮湖唐上元二年建  
名淨土後改善養會昌中廢南唐保大八年僧惠  
正重建復號淨土 國朝改今額

崇恩敦孝禪院在縣北二十里陳永定二年建名永安一云唐天祐二年周承祐捨宅建名保安熙寧三年更名壽聖保安隆興初又名廣福乾道間周參政葵請為墳剏改今額

報國顯德禪院在縣西六十里唐上元二年建名永業一云南唐保大中崔顯捨宅建名善慶太平興國五年更名保寧為律院宣和四年復舊建炎三年王樞密淵死節其子倚請為墳剏改今額  
禪寂禪寺在縣東北三十五里梁普通二年建唐元



和間名隱靜太平興國五年改今額

金明禪寺在縣北三十里隋開皇十年建名西城苑  
中祥符元年改今額

崇慶禪寺在縣北二十五里梁普通二年建名安養  
國朝治平三年改今額

圓寂禪寺在縣南二十五里舊傳荆溪尊者道場太  
平興國二年賜今額

承福禪寺在縣西七十里梁天監中建後廢 國朝  
淳熙中重建

法性禪院在縣北五十里梁普通二年建名白塔一  
云唐乾元初建名聖像光啓二年改今額

顯忠彰孝禪院在縣東北四十里名隱仁建炎三年  
郭樞密三益請為墳刹改今額

崇報禪寺在縣東南四十五里嘉泰中袁參政說友  
請為墳刹賜今額

清修禪院在縣東南九十步比丘尼普達建

重修毗陵志卷第二十五

重修毗陵志卷第二十六

陵墓

懷士會於九京之地敬仲舒於下馬之陵思其人也  
昔賢壙壟在毗陵者不一若周之泰伯與之季子則  
尤表表焉至今樵夫牧孺過者必敬彼焉知其人已  
去之千載耶况表碣歸然聖人之筆猶在然則是邦  
丘墓之可紀者詎容略而不書

晉陵

吳

公子札墓在縣北七十里通典注晉陵申浦有季子

墓

詳見  
祠廟

晉

曹將軍橫墓在橫山冲虛觀後曩因亂離盜發冢壙

令潘洞得巨碑有咸康八年右將軍散騎當侍字

詳見  
山水

劉刺史繇墓在縣北江濱水經云嘗為揚州刺史

唐

吳刺史丹墓在仁和卿北原按長慶集刺史字真存

階至中大夫終饒州刺史銘曰漢中大夫東方曼  
倩夏族湛高之作廟貌贊中大夫真存先生白樂  
天知之作神道銘嗚呼二大夫異代而同符其皆  
達者乎

國朝

郡守李國博餘慶墓在橫山葬後二十三年爲至和  
元年王金陵銘其墓沈括筆談謂公強政疾惡墓  
土可以療瘡

胡文恭宿墓在萬安卿隆亭歐陽公爲墓誌銘

鄒忠公浩墓在德澤卿林莊崇寧歸自嶺表政和初  
卒葬此嘉定間胡守衛命趙教授絀即墳築庵給  
公田贍祠事葉水心適爲記嗣是那與惠校歲遣  
祭淳祐八年春李守迪偕里寓郡僚修謁墓禮云  
蔡閣學戡墓在新塘卿壺公山

張侍郎濤墓在新塘卿許墓

武進

漢

蔡伯喈墓在尚宜卿街互村大冢歸然按本傳世冢在

吳中積二十年意歿後來葬此爾

齊

泰安陵在彭山南齊高帝所葬按南齊書高帝紀云  
建安四年冬武進泰安陵即其地也今隸丹陽縣  
境在武進之西

國朝

錢兵部治墓在漣教鄉北原里歐陽文忠公爲墓表  
文王金陵銘永安縣太君蔣氏云宜興人此其配  
也

逢原令墓在

南

薛村王金陵為墓表

張參政守墓在懷德南鄉黃林

霍侍郎端友墓在懷德南鄉千墩孫鴻慶為誌

丁正言隣墓在廣化門外一里

薛樞使極墓在淖湖西

無錫

周

泰伯墓在梅李鄉家高一丈四尺周三十五步皇覽  
云泰伯冢在會稽吳城梅李墟劉昭云縣東皇山



有泰伯冢南徐記云晉殷師爲晉陵太守嘗表其墓復一戶護守云

吳

荊州刺史顧容墓在縣南十八里冢高一丈八尺周百二十步人呼爲顧墓今縣郭有顧墓巷

宋

新建侯王華墓在縣西北二十五里冢高一丈八尺周百二十步本傳云字子陵琅邪臨沂人大保弘從祖弟卒於元嘉四年

王中令僧達墓在膠山南嶺下路北冢高一丈六尺  
周二百步本傳云武帝時爲右僕射累遷中書  
令終義興太守

蕭侍郎墓在膠山寺門又云寺即舊宅

齊

王光祿琨墓在縣北二十五里冢高一丈八尺周百  
十二步九城志云光祿大夫琅邪王琨墓在無錫

詳見  
守長

唐

滕刺史逵墓在新橋門外半里荒間有二石獸刻云  
唐尚書刑部郎官睦州刺史滕公之墓接蘇文忠  
誌滕逵道墓云十一代祖令琛爲唐國子司業生  
太博翼翼生贈戶部侍郎抗抗生禮部侍郎蓋蓋  
生戶部尚書珣珣生太中大夫睦州刺史即逵道  
六世祖也

國朝

秦龍學墓在慧山其長子湛倅常曰遷葬後產紫藤  
一本圍盈尺纏錯古松狀如偃蓋或以爲醉臥藤

下詞識云

秦少章觀墓在大冢山

張循王浚墓在青上彎

詳見觀  
寺門

孟郡王忠厚墓在惠山西北

唐郎中作求墓在開化卿象山先是訪姦女計吏君

德之語曰明年求別知我莫若君願識吾墓卒如

其言

尤尚書表墓在孔山

馮卿多福墓在開元卿石步

蔣侍郎重珍墓在湖埭

宜興

漢

袁府君玘墓在君山

詳見山水

蔣雲陽卿侯默墓在竹山唐祕書少監齊光又為墓  
碑齊孫監察御史晁復立石道傍

蔣山亭卿侯澄墓在都山南唐天寶十五載給事中  
蔣渙撰湖東枝墓坐誌云默十八代孫繪以上皆  
葬此山挺以下多葬洛陽曰從吳者存手舊歸洛

者不悉乎本

許太尉墓在周濱西賊嘗歷司農洪氏隸纂有司  
農劉夫人碑謂其配也

許氏先墓在丘亭卿階墅家甚高廣有石刻云許氏  
先君墓表

晉

周將軍處墓在荆溪英烈廟側唐權德輿題其墓云  
壯志清風在荒城白日愁幽泉那復曉喬木不知  
秋

陳

蔣湘陰侯 政墓在白塔村山亭裔孫仕為散騎常

侍安遠將軍

唐

高丞相智問墓在葛墟村

詳見歷代人物

衛將軍遯墓在許墅臨大溪

詳見相廟

國朝

郡守陳密學襄墓在箬山去郡後卒葬此孫莘老誌其墓邦人德之州縣歲時遣祭淳祐八年李守遜

爲文屬令丞修上家禮云

賀通判鑄墓在篠嶺字方回號慶湖居士嘗造石塔  
刻所作銘今在墓傍

蔣樞密之奇墓在滄浦

胡樞密松年墓在梅林

孫尚書覲墓在龜潭

余舍人中墓在杏花村龍潭山前

汪內翰藻墓在楊蔡

慕容尚書彥逢墓在篠嶺



莊待制徽墓在高山

郭樞密三益墓在橫澗

沈尚書積中墓在西坑

蘇待制嶠墓在芙蓉山

董待制弇墓在嘆山

成開府閔墓在橫澗

王樞密淵墓在紫雲羅漢山

蔣丞相希墓在孫墓

單大諫時墓在大蘆

周參政葵墓在梅林

王太尉琪墓在篠嶺

王侍郎君正墓在金竹塢

傅待制楫墓在祝陵

詳見觀寺門

袁參政說友墓在青塢

胡忠獻世將墓在橫山

劉侍郎應起墓在臺莊

重修毗陵志卷第二十六

重修毗陵志卷第二十七

古蹟

泝桐江而想子陵汎赤壁而懷公瑾地以人勝自昔固然郡介吳門朱方人物風流遺蹟如昨六朝蓋多焉備載不遺亦靡覽周游之一助

州

毗陵地在天禧橋南舊傳地方丈餘盛雪不積豈一郡溫厚之氣所聚歟或云在丁氏園

卧冰池一在郡城太平橋南一在武進縣隔湖西曰

孝感瀆舊以爲王祥卧冰得魚之所又宅在尚宜鄉爲母捨建道觀按本傳祥琅邪人漢末挾母携弟覽避亂廬江三十年至晉拜太保未嘗至毗陵但其孫俊嘗封永世侯永世縣嘗屬毗陵覽孫導顯於江左子孫往往居此追慕祖德故以卧冰名池孝感名瀆爾

東山亭在荆谿對河大曆中獨孤及守建正元八年常守夏卿爲記略云有唐良二千石獨孤公之泣是邦人安俗早有仁知山水之樂於傳舍東得勝

地築亭號東山今廢

記見詞翰門

天慶觀畫龍在襄陽殿壁題曰姑蘓道士李懷仁筆  
世傳懷仁酒豪嘗呼龍松江上狎而觀之以此盡  
入神品一日大醉睨殿壁素黑汗數斗曳帚裂袂  
號呼奮擲雙龍立就觀者辟易懼將攫焉胡蒼梧

有詩

見詞翰門

太平寺畫水在彌陀殿壁郡人徐友畫清濟貫河一  
筆起西北隅榮繞數十丈却立締視疑若飛濤之  
騰涌楊誠齋有詩

見詞翰門

獨孤公檜有三皆其手植距幾五百載人比之甘棠  
一在郡後圃一在古紫雲宮舊址今爲丁氏球川  
亭一在忠佑廟尤爲鬱茂

晉陵

九里在縣西北青山門外宋明帝時孔覲自會稽謀  
逆遣賊將孫曇瓘頓軍于此命齊高帝率軍東討  
與張永等對壘結營摧破賊柵曇瓘敗走

小井

見出

離宮隋太業十三年敕郡通守路道德集十郡兵匠

數萬人於郡東南創宮苑周圍十二里有涼殿四  
一曰圓基二曰結綺三飛宇四漏景環以清流陰  
以佳木又倣洛陽西苑環十有六宮於夏池左曰  
麗光派英紫芝凝華景瑤浮綵舒芳懿樂右曰采  
壁椒房明霞朱明翼仙翠微屠城千金回廊複閣  
飛觴激水工技精巧丹碧絢麗未及臨幸尋以盜  
起莽爲丘墟今夏城遺蹟隱然尚存

古城二並在縣東北二里一方一圓東西對峙或云  
虎城亦云鼓城

郭坡在縣北三十里晉郭璞葬母於暨陽去水百步  
或以瀕流告璞曰即爲陸矣其後沙漲環墓數十  
里悉成桑田暨陽今屬江陰與縣接境

胥城在縣東南二十里四蕃志云子胥所築

茶山路在縣西南廣化門外唐潮常二守會陽羨造  
茶修貢繇此往返故名

淹城在縣東南二十里與武進接界越絕云吳地有  
淹君城是已其或三重周廣十五里壕塹深闊舊  
傳水涸斲得朽木可宿火近歲尚有之或云古毘



陵城

韓城在縣北德澤鄉四圍方正南有闕門北近諸廟  
皆謂韓王舊傳五季亂離堂築城堡衛鄉里

武進

蘭陵城在縣北八十里千秋鄉萬歲鎮西南齊四世  
祖淮陰令蕭整僑居之地按萬歲寺舊有偽吳天  
祚中石刻云寺西去蕭梁帝祖宅三十里東城村  
初名皇基更曰皇業寺後百七十五步即其城也  
東城天子路在縣北萬歲鎮西或謂秦皇所遊或云

孫氏舊迹宋明帝時訛言天子出及齊高帝受禪  
善嘗居此言乃驗

傳落城祥符經云傳落按丹陽記季子北廟在城西  
大姑城小姑城潘令經云在縣西南六十里

祿城在縣北五十里

醴城潘令經云在縣北三十里

青城在縣西北六十里萬歲鎮南有圓壇高丈餘廣  
十畝西有方壇高不盈尺廣七八丈舊傳為圓丘  
方澤又有東郭門今酒務東其南有兩石龜莫詳

所自

金牛臺在縣西三十五里連犇牛鎮輿地志云漢時有金牛出山東石池到曲阿人柵斷其道牛因驟犇故名又四蕃志云禹策湖中有銅牛久遂之上東山入土掘走至此柵今柵口及堰皆以此號宋元嘉末竟陵王誕遣參軍劉季之與顧彬之敗元凶劭將華欽等於曲阿之犇牛塘泰始二年建威將軍沈懷明東討孔覲至犇牛大破之齊高帝嘗與蕭順之共登金牛臺且稻豁橫道曰文王以來

幾年矣當復有掩此者乎言之凜然動色

慶亭在縣西五十里與丹陽分界韻書注吳中亭名  
孫權射虎傷馬地晉顧衆與蘭陵太守季閔於此  
拒守逆擊賊將張健卒平之

靈石在縣南占石村古祠前形如柱微露於地舊傳  
有取之者風霆大震遂止或云磨石二姓卜居訛  
爲此名

無錫

太伯城在縣東南四十里吳越春秋云太伯當商之

未恐中國使王兵及其竟築城周三里二百步外  
郭三百餘里在吳西北隅至王僚二十三君皆都  
此寰宇記云城去縣四十里高三丈吳地記云吳  
築城梅李平墟城內有宅舊址及井猶存或名吳  
城

闔閭城在縣西四十五里越絕云伍員取利浦黃瀆  
土築此城吳地記云周敬王六年伍員伐楚曲運  
潤州瀕湖土築之不足又取吳地黃瀆土爲大小  
二城無錫志云大城在姑蘇小城在富安鄉是也

若爾則自蘇取土於潤不亦遠乎今縣東梅李鄉  
自有利浦及黃濱非潤州利浦明矣

黃城在縣西十二里史記云楚徙封春申君黃歇於  
江東因城故吳墟爲都邑

范蠡城在縣西十里吳地記云在古歷山西今謂斗  
城猶存

鴨城在縣東二十五里輿地志云吳王於此聚鳧鴨  
故名

麋城在縣東二十里以鴨城觀之亦吳王秦麋鹿之

所

龍尾道在縣西越絕云春申君徙封開此道以屬水  
邑云

西施莊在縣東四十里吳地記云范蠡獻西施於吳  
故有是莊

望亭舊名御亭在縣南四十五里與平江分界輿地  
志云御亭吳大帝立晉顧颺嘗監晉陵軍事築壘  
于此進討賊將張健梁肩吾有御亭一廻望風塵  
千里昏之句震宇記云隨開皇九年置爲驛唐李

龍譽易今名後廢

王右軍莊在縣西北三十五里洛社鎮風土記云晉  
王右軍別墅一夕聞衆喧開如市聲潛窺之狀皆  
鬼神因立鎮市今開利寺址是

蕭莊在縣東宅仁鄉梁蕭侍郎別墅今膠山寺址是  
梨花莊在縣北天授鄉

湛長史草堂在縣西七里今慧山寺址是文選有劉  
錄過草堂詩十三代孫賁賦詩云祖德今發揚還  
同書史冊蓋謂史逸其傳也詳見



李相書堂在慧山寺唐樂公垂紳肄業于此居松竹  
中泉極甘爽有詩云上家山家山依舊好昔知松  
檜長今來容鬢老文云故山一別光陰改秋露寒  
蟬歲月多

長生檜在慧山寺殿東偏國朝天聖中蘇內相紳  
宰縣時手植後人立石以此名

具興

陽羨城漢詩荊傳注云陽羨故城在義興縣南十道  
圖志云荆溪一名陽泉其音與陽羨相近秦改荆

邑爲陽羨豈俗傳之爲耶

臨津城在縣西北五十里周廣二百九十步舊址猶存南臨荆溪故名

國山城在縣西南五十里周廣二百九十步有壕西臨漳溪寰宇記云晉初置於離墨山西後徙夷曠處

義卿城在縣東南八十里今屬長興

永世城在縣西北今屬丹陽

綏安城在縣西南梁陞爲陳留郡今屬宣城

平陵城在縣西北六十里五賢鄉皇甫冉詩云舊國  
想平陵春山蒲陽羨

任公釣臺在縣北一里臨荆谿任昉爲守嘗垂釣于  
此賦詩云道遇垂綸叟聊訪問津惑長泛滄浪水  
平明至曛黑舊傳臺高二丈今荆莽中荒址尚存  
南嶽

國山碣

並見  
山水

到氏查林田舍在縣東二十里舊傳到洽兄弟所居  
任昉過之田此子日下無雙且申拜親之禮將類

叔詩云六朝冠蓋俱塵土到氏今無苗裔存當時  
任昉過田舍野老猶查林村

離羣在縣西南十八里任昉汎谿詩云絕物甘離羣  
長懷思去國地臨荆谿疑後人取是句以名近世  
金陵李賦陽羨百吟有云好風吹日落煙村便  
作棠陰記史君渠有平生絕塵到羣居那得是離  
羣

岳亭在縣西六十五里漢封蔣澄為侯其後因家焉  
漳浦亭在縣西二十五里泮淵浦中近章溪有土隆

起俗號張虎墩疑其音相近傳者謬焉晉以此亭  
爲周札封邑

射虎亭在縣南徐鉉送馮侍郎詩云斬蛟橋下谿煙  
碧射虎亭邊路草青

余皮在縣東十二里舊傳子隱斷蛟曝餘皮于此余  
當作餘李堅詩云小試屠龍技已成遺蹤千載  
英靈舳艫不駭風波惡煙雨時聞草木腥

祝陵在善權山巖前有巨石刻云祝英臺讀書處  
碧鮮菴昔有詩云胡蝶蒲園飛不見碧鮮空有讀

書壇俗傳英臺本女子幼與梁山伯共學後化爲蝶其說類誕然攷寺記謂齊武帝贖英臺舊產建意必有人第恐非女子耳今此地善釀陳克有祝陵沽酒清若空之句

杜牧之水榭在荆溪北攄舊傳邑人王公輔治地得巨橫木亘其中云是牧之築榭故址按牧之集有寄歙州刺史邢郡詩云一壑風煙陽羨里解龜歸去路非賒寄李侍郎云終南山下拋泉石陽羨谿頭買釣舟贈許七侍御云他年雪中棹陽羨訪吾

廬自注於宜興近有水榭其後徐鉉送義興趙合  
云杜牧舊居憑買取它年藜杖願同歸

李司空山房

詳見  
寺院

陸相山房在頤山唐陸希聲解相印嘗隱居焉自號  
君陽遁叟著頤山錄窮幽極深間得其勝輒命以  
名如鴻盤雲磴伏龜臺騰螭石講易座觀妙菴之  
類凡二十有七皆以絕句紀之嘉祐中令趙文昌  
刻石縣圃

蜀風在縣西北四十六里唐末韋莊為蜀程記云至

寶雞縣過三疊坂田疇村落酷似義興境物故名  
寶雞乃鳳翔支邑接東川李堅詩云勿訝帝郎誇  
酷似情知蘇子賦歸來

趙莊在縣南三十里唐李巖隱君之地與蜀山相對  
遺蹟尚存

邊莊在縣南四十五里又五里有省莊南唐封疆止  
此與吳越接畛為營屯戍守之所

七里莊在縣東北七里

南莊在縣北五十二里蔣穎叔嘗置義田有云耕春



煙一隴釣夜月千尋未荒三徑在不負此生心文  
云功成乞身去於此老吾生

計亭在縣北二十里即星隕許氏園之地

五牧在縣西四十七里丁正言陽作壽昌縣君蔣氏

墓誌云蔣父五子皆至郡守故名

今晉陵縣東以運河亦有五牧

西石亭在縣東南十五里地產鮮梅枝幹奇古即蘇

文忠所謂幽香收艾納是也陳克有石亭梅花落

如積之句

見詞翰門

李刺史玉潭莊在張公洞西南三里

詳見水

陸氏山居在金牛潭

陸氏山居在金牛潭

並見山水

蘇東坡別業在縣北漏湖塘頭嘉祐初蔣穎穎叔有  
卜鄰之約詩云瓊林花草闌前語盡盡溪山拍後  
期元豐中自黃移汝至荆谿與單君錫共負於黃  
土有餉紅灰酒者坡曰彼知有紅灰不知有黃封  
真快活人也因號東坡紅又長短句云買田陽羨  
吾將老從來只為溪山好其孫峴因家焉

垂脚啄木二嶺在縣南唐馮春真湖常二守會境上

白樂天詩云盤下中分兩州界燈前各作一家春  
茶舍在罨畫溪上去湖汭一里李栖筠為州有僧獻  
佳茗陸羽以為芬香冠絕他境可供尚方始貢萬  
兩置舍洞靈觀常真卿徙茲地盧仝詩云天子湏  
嘗陽羨茶百草不敢先開花李益云顧渚吳嶧踏  
成道石焙急成山日燥又云大君本以仁為心誰  
先此弊流至今李郢云吾君可謂納諫君諫官不  
諫何由聞使君愛民慘顏色就焙嘗茶坐諸客幾  
回到口重浴嗟嫩綠芳鮮山何力僖宗幸蜀間關

馳貢王守枳詩云今朝拜貢盈襟淚不進新芽是

進心

南唐保大四年命建州置  
的乳茶號京抵乃罷貢

九斗壇在善權山下高三尺周廣十三步山有九峯  
如覆斗梁天監中禱雨蔣山未應神見夢於武帝  
曰陽羨九斗山有神號張水曹能興雲雨帝如其  
言遣使致祭雨隨至令間以旱告輒驗

雙楠軒在縣城南慕容暉所居狀如偃蓋東坡為命  
名參寥子詩云南軒前頭兩佳木先生撫翫常不  
足尤愛薰風五月初白銀花開光照屋

醒醉石在縣治元豐間令李元盈題云為山因築石  
人巧奪天機強說醒和醉那知是與非

蔣三舍在縣西汾洲四圍皆澤國宣和間張室文彦  
智遇風寄宿贈以詩和者盈卷今藏其家有两岸  
更無通步路四時常有避風船之句

重修毗陵志卷二十七

重修毗陵志卷第二十八

祥異

紀異類怪紀瑞若誇不書可也雖然春秋災異不削  
史傳休祥備載是邦有得之遺牒所紀故老所傳者  
不書可乎哉

吳

五鳳二年陽羨離墨山巨石自立于寶以爲孫皓承  
廢得立之象

天璽元年陽羨山有石裂十餘丈名曰石室皓嘗封

禪以侈瑞應

詳見山水

晉

武帝時無錫縣歛生菜萁四株交枝若連理先是有  
鼯鼠出延陵羊祜令郭璞占曰此郡東明年當有  
妖樹生若瑞而非瑞辛螯之木也

元帝初鎮建業王導令郭璞筮得咸之井曰東北郡  
縣有武名者當出鐸以著受命之符後晉陵武進  
縣人於田中得銅鐸五故云五鐸啓號於晉陵人  
王虞奏云向見導言晉陵有金鐸之瑞必致中興

大興三年晉陵地震

咸和元年正月月入南斗占曰有兵是月石勒兵至  
建元元年晉陵災

大和六年晉陵大水

寧康二年晉陵義興諸縣水

義熙二年陽羨縣有木連理

宋

元嘉十二年義興大水

齊



高帝君武進縣東城里宅南有桑一本高三丈旁出  
四枝若華蓋幼戲其下從兄敬宗曰此木為汝生

建元元年七月義興水

武帝即位初義興水

永明九年八月義興大水

建武元年晉陵大稔

梁

天監元年夏四月丙寅武帝即位是月鳳凰集南蘭  
陵

大同十年三月武帝幸南蘭陵謁建陵有紫雲蔭陵  
上食頃乃散傍有枯泉至是復涌

唐

乾封二年宜興邑宰所居有木連理  
永徽四年宜興邑民顧氏家產芝草  
大曆中獨孤及為郡甘露降其庭

五代

南唐保大中睦昭符為守一日坐聽事雷暴至電光  
如金蛇繞案吏卒驚仆昭符不憚聞案下叱叱有

聲雷電條散得鐵索重踰百斤昭符色亦不變命  
納諸庫

昇元二年六月常州大雨漲溢

國朝

治平元年毗陵日晡天大雷如雷震一星如月出東南  
再震移西南三震星隕焉在宜興計亭許氏園  
藩籬俱焚息觀地一竅深三尺餘星猶灼灼久之  
漸暗熱不可近後得篆書頭微銳其色如鐵鄭守  
仲取以遺潤州金山寺今猶存

見沈括  
筆談

紹興二十八年英守伯虛爲郡郡宅梅忽繁異花紫  
心碧暈時以爲瑞

宜興長橋下舊有白鰲岩出穴四望而鳴則爲兵革  
之兆遂神而相之今不存或賦詩云淵潛不作捕  
魚忙攬報人間赤白囊世道清平渠屏蹟吳宮盤  
頗授神方

重修毗陵志卷第二十八

重修毗陵志卷第二十九

碑碣

歐子集三代以來遺刻僅千卷謂物之終弊雖金石不能自久好古云乎哉郡境四履豐碑巨碣無慮數百歲月滔邁頽缺莫補哀而錄之此傳久之道也可  
以傳可以無傳覽者當得於言外

州

太宗皇帝戒石銘紹興間重立

摹黃庭堅書張燾蜀  
檮机王明清博學錄

皆云後主頌令歲二十有四句  
今銘四句益  
袁筆所取

太宗皇帝御書帝字守臣趙彥臧立

真宗皇帝賜文臣七條

並在鄴治

真宗皇帝建天慶觀勅大中祥符八年立

在本觀

徽宗皇帝御書大成殿榜宣和間立

徽宗皇帝御書賜辟雍詔淳熙十四年守臣林祖洽

重立

在州李

徽宗皇帝御書建神霄玉清萬壽宮詔宣和元年守

臣劉光立

在東慶寺

徽宗皇帝御書二絕句賜徐智常守臣安泳立

在天慶觀

高宗皇帝御書六經墨本

在州李  
御書閣

高宗皇帝御書孝經石刻守臣林祖洽立

在州李  
御書閣

高宗皇帝御書親耕藉田詔

又在武  
進縣

常州二大字南唐散騎常侍徐鉉書

郡守題名記一紹興十七年郡丞洪遵撰一乾道八

年郡守晁子建撰一嘉定五年郡守趙善湘撰

長廊頌天寶十一載儒林郎行晉陵縣尉羅信之撰

天聖中郡守李餘慶重立

開城記偽吳天祚六年水部員外郎倪政明撰

子城興造記  
蒼梧胡珵撰  
紹興四年郡守俞侯立  
開後河記  
道鄉鄒浩撰

重開後河記  
教授鄒補之撰

犇牛閘記  
中大夫寶謨閣待制陸游撰

甘棠橋記

惠政橋記  
並郡丞趙時侃撰  
郡守趙善防立

重開新河記  
郡守趙汝達撰

常平米記  
宣教郎太社令建安丘橐撰

靜湓堂記



梅露堂記

如農齋記並晉陵孫覲撰

凝露堂記吳郡鄭作肅撰郡守李珣立  
多稼亭記廣漢張栻撰

匪懈堂記教授莫若冲撰

近民堂記教授劉三傑撰

擊壤圖慶湖賀鑄筆

雙麥記郡守趙伯麟撰

雙蓮記郡守鄭必萬撰

重建五賢堂記中大夫守中書舍人張浚撰

平糴米記郡丞陳桃撰

社稷壇記朝奉大夫知郴州丁逢撰

通判廳題名記一隆興元年郡丞陳撫撰一嘉熙三

年郡人季晞顏撰郡丞趙希璠立

常州學記臨川王安國撰治平四年立

重建學記教授鮑彪撰紹興八年立

修學記淳熙十一年朝奉郎張淵撰

進士題名記一治平四年臨川王安國撰一嘉定十

六年教授余申撰

狀元橋記紹興六年教授鮑彪撰

小井記建中靖國元年晉陵令陸元光撰

復貢士額記乾道八年晉陵權尉張貴謨撰

州學沙田記一乾道七年郡人唐鑄撰一開禧元年

教授劉三傑撰

州學義廩記嘉定元年秘閣校理留元剛撰

魁字嘉熙元年郡守謝達立

教授廳壁記淳熙

年教授鄒補之撰

晦庵朱文公白鹿書堂規嘉定十二年教授之  
東萊呂成公學規文寄臨川聚學諸生詩嘉定間  
授王泳之立

鄒道鄉墓亭記水心葉適撰

元日序拜文淳熙十五年教授莫冲立

杜少陵鳳凰臺詩德久鄒柄書乾道八年立

東坡祠堂記乾道七年昭德晁公武撰

祠堂碑陰記嘉定十三年教授余申撰

祭東坡文嘉定十四年教授余中

東坡和楊公濟梅詩

東坡考牧圖詩

東坡魚枕冠頌並乾道八年郡守晁子健立

東坡聚遠樓詩端平元年郡守程有俊立

並在  
郡李

東坡草書與陳述古夜飲詩

在郡  
東燕

東坡題感慈寺詩元豐八年刻

在感  
慈寺

東山亭記唐正元十一年常州刺史韋夏卿撰

季子廟碑水心葉適撰

東水門記梁谿尤袤撰

重修東水門記三山黃冲遠撰

盍簪亭記郡人張祕撰

咸淳重開後河記直院祕監王應麟撰

亭在葛橋

龍興觀三門記大中祥符四年檢校工部郎中周絳

撰

九天使者殿記端拱元年散騎常侍徐鉉撰

重修三清殿記天聖六年祕書丞黃鑑撰

道藏經目傳授圖景祐四年郡守王湜立

踵息庵記政和元年延平楊時撰

毗陵三絕教授余申題

毗陵三絕郡守王定題

三學同舍會拜題名一邵人施從龍撰一臨海平李

琰撰

澄清觀記都官員外郎周絳撰

光孝寺修造記廣西經略張貴謨撰

永慶寺修造記晉陵孫覲撰

定光佛記郡守晁子健記

韓長老堂記晉陵令王九成撰

薦福寺僧堂記天聖四年郡貢士丘鎮撰

重修薦福寺記叙宣德卽陳瓘撰

正覺寺明皇銅像贊樂安任膺撰

資聖寺三門記乾道間晉陵孫覲撰

智寶寺記偽吳天祚二年僧澄清撰

觀音寺記元豐二年縣尉高子方撰

忠佑廟陳司徒告身大業十一年六月

陳司徒夫人軫氏捨宅造寺疏偽吳明政二年

並唐大中

八年唐  
收駒立



陳司徒八絕碑唐天室四載沙門德宣撰

八絕後記寶曆二年彭城劉初撰

司徒神廟碑乾符三年集賢院李齊光又撰

銀香爐記乾符六年沙門韞讓撰

朱梁封福順王告政和間武進令郭三益立

忠佑廟額宣和四年立

重脩忠佑廟記一宣和六年裴璣撰一建炎三年直

祕閣陳括撰一建炎三年太常博士夏之文撰

帝子封二侯告嘉泰四年郡守趙善防立

忠佑廟田記嘉定十三年教授余申撰

宋郡侯賑荒記淳祐元年進士出身王允升撰

宋郡侯生祠記淳祐元年建康教授趙若炳撰

武烈東廟碣唐會昌間邑人葛相如撰

武烈東廟碑南唐保大間徐鉉撰

嘉應城隍廟記淳熙十五年教授莫若冲撰

晉陵

縣廳壁記一祥符中令潘洞撰紹興十四年蒼梧胡

珪撰

宣嘉堂記大觀四年令李景亮撰

縣獄記嘉定間漫塘劉宰撰

不濁堂記晉陵縣孫觀撰

聲亭記一

尉廳壁記

橫山登僊觀記開寶七年南唐集賢殿李士徐錯撰

冲虛觀詩天聖三年郡丞董黃中撰

芳茂山詩三茅山人金英子張存撰

橫山詩郡丞杜子民晉陵令陸元光撰

橫山倡和詩  
縉雲詹璠  
會稽陸傳  
晉陵李公弼  
吳興

陶光撰

妙覺觀記至道間終南山人韓拱辰撰

壽聖禪院記崇寧間張彥輔撰

福聖禪院妙光塔記景坡蔣燦撰

崇安千佛閣記紹定中天台王定撰

慧山泉字郡守丹陽邵必書

湛長史舊居誌唐檢校戶部員外郎立丹撰

宜興

縣廨壁記一皇祐六年令國子博士燕雍撰一政和二年會稽傅堯咨撰一紹興己亥令鄱陽左昌時

撰

經理邑事總記熙寧二年令尚書員外郎樓閱撰

修文宣王廟記景德四年直史館陳越撰

徙建新學記皇祐元年并州刺史張伯玉撰

重修李記一紹興十六年括蒼陳鎰撰一乾道八年

令孫回撰一慶元元年新安朱熹撰一嘉定十二

年龍泉葉適撰一淳祐六年宛陵吳潛撰

承廳壁記一元豐七年承會稽黃彥撰一乾道二年

國子監簿沈文撰一嘉定九年承古瀛劉璧撰

簿廳壁記一紹熙三年簿吳興陳晦撰一嘉定戊戌

簿東郡趙汝漕撰

尉廳壁記紹熙三年尉陽賈子堅撰

重建尉廨記嘉定十一年令戴楠撰

社倉記慶元元年新安朱熹撰

修常平倉記紹熙五年丞趙師森撰

泳飛亭記嘉定十三年令戴楠撰

修縣獄記治平二年令王應辰撰

獄糧記嘉定十三年令戴楠撰

張公洞字在天申萬壽宮丹陽邵必書

洞靈觀記南唐韓載撰

漢許太尉廟碑今亡

唐衛將軍廟碑邑人王敖撰今亡

晉平西將軍周府君碑陸機撰王右軍書

周將軍廟記一景德二年郡守周絳撰一元豐八年

邑人沃彥撰一淳熙三年蕭德漢撰

復周孝公塋兆記嘉定十七年漫塘劉宰撰

晉征西將軍周孝侯斬蛟射虎之碑眉山蘇軾書



英烈廟額嘉定間永洪個立

漢袁府君廟記紹興八年邑人單子發撰

果利廟額記政和元年芒溪王甫撰

祠山廣惠行廟記在胥村崇寧三年邑人單子發撰

岳武穆公生祠記建炎二年今錢謨撰

岳武穆公祠堂記淳熙八年倅趙善譽撰

新建岳武穆王廟記嘉定十一年太學錄周端朝撰

先賢祠堂記宝慶三年建安真德秀撰

殺虎行漫塘刘宰撰

迎華驛記治平四年安定程甫撰

重建陽溪宮記嘉定十三年邑人沈唐老撰

長橋記南唐徐鉉撰

重建長橋記一大中祥符三年

撰一天聖二

年鄭向撰

浚運河記淳熙五年尉秦膺剛撰

餘霽新隄記嘉定十七年臨川陸持之撰

復養士橋錢記紹熙五年令括蒼高商老撰

卷濟院記嘉定十三年太末陳璧撰

慈幼莊記紹定二年句金玉遂撰

瀟澤園記紹定元年漫塘劉宰撰

固山碑在南嶽山吳孫皓時立

蔣氏大宗碑在葛墟道傍唐民部侍郎蔣冽撰

碧蘚庵字在善權寺方丈石上

茶舍碑一唐常州刺史裴肅撰一唐中山劉明素撰

九斗壇碑在善權寺前門左南唐僧崇肇撰

蜀程記唐韋莊撰

陸希聲願山錄在縣治嘉祐五年令趙文昌立卷終

重修毗陵志卷第三十

紀遺辨疑附

郡志舊病於略今網羅採摭粗加詳焉亦既彙列于前矣至若所見異辭所聞異辭所傳聞異辭有不可以類入者略之又闕此紀遺之所由作也辨訛數事併附見之

總四縣

太湖中有大小雷山周子隱謂舜之漁澤而慧山旁有歷山又有舜田舜井後人指爲耕稼之所然河

東舊有歷山雷海山會稽亦有歷山舜井象田仍以餘姚上虞名縣衆說殆不一惟郡國記云南朝多以北方山川郡邑名境內之地故以此擬舜之遺蹟吳地記亦云晉宋時始號歷山蓋兩漢地志未之載焉更俟博識

張禹後漢建初中拜揚州刺史過江行部土民以江有子胥之神難於濟涉吏請止禹曰子胥如有靈知吾志在理察冤訟豈危我哉鼓楫而過所部郡邑雖深遐之地莫不徧歷焉

鄺元云順帝永建四年周臺書以吳越國周旋

萬一千里浙江山川險絕衆得分置遂析江以東

爲會稽西爲吳郡三國朱育對漢陽興則謂劉府

君有請然攷東漢志不言何人有請但云始順帝

未知二說孰是

鄺元或云鄺道元後漢耿  
絕馬援傳註道字成無焉

宋高祖始爲鎮軍將軍晉陵書叟善相桓攸令視帝

當得州否叟曰得邊州退而私於帝曰君貴不可

言帝笑曰若中當用爲司馬其後叟詣之曰成王

不負桐葉之言公應不忘司馬之言今不敢希鎮

軍司馬得軍休足矣卒與之

陳武帝嘗遊義興館于許氏夢天開數丈有四朱衣捧日而至納諸口暨覓腹內猶熱心甚喜焉

賜酺助於前漢至唐猶存杜審言和晉陵陸丞早春遊望及大酺詩有云毗陵震澤九州通士女歡娛萬國同伐鼓撞鍾驚海上新粧袞服照江東以此知唐之聽民羣飲亦有時也

劉禹錫寄楊虞卿詩云曾主魚鰓刺史今朝自請左符來虞卿盍坐朋黨出守謂之自請亦善為辭矣

洪景廬嘗辨之載容齋隨筆

陸贄字敬輿吳郡人奏議有云蕭復刺常二年日時  
寄佳盃大曆中也既而德宗即位寢被召用則贄  
之寓此其鄭尉免歸之日乎

孟郊字東野集中上常州唐僕君書略云閣下以仁  
義道德事其君聞之天下久矣小子顯求道德仁  
義之衣食以爲養前守吏部侍郎常公嘗道德仁  
義之矣常公旣去衣食亦去道德仁義顯其主張  
是在閣下復上養生書按唐史盧乃元輔常乃夏



鄉相繼出郡而東野蓋嘗寓居矣又有送諫議十  
六叔至孝義渡後寄詩云曉渡明鏡中跨躡毗陵  
橋寄義興小女子云江南莊宅淺所固唯疎籬小  
女未解行酒第老更癡家中多吳語教爾遙可知  
我詠元魯山肯臆泥甘滋終當卒自乳起坐常相  
隨其慈愛之念又可槩想

孫泰山陽羨人唐中和間以二十萬錢置別墅於陽  
羨俾其人他徙忽一姬哭甚哀泰驚問姬曰老婦  
逮事舅姑于此吾子不肖卒以售人泰拊然曰姬

所居廼吾所售適得京中書不復駐此矣爾第居  
之言訖而近蘇文忠公建中靖國初北歸陽羨傾  
囊底得五百緡市屋將遷月夜與邵民瞻散步一  
嫗亦慟泣入問故對如前嫗取券立焚呼其子令  
奉母還竟不索直遂入城府借屋以居前輩急誼  
大抵類此二事適在吾州尤可敬嘆

蘇文忠寓顧塘孫氏館初在儀真得暑疾至是寢革  
不能卧陸宰元光遺一嬾版縱橫三尺偃植以受  
背公殊以爲便竟據此終陸之子屬胡蒼梧爲銘

曰參謀易簣由殫結纓斃而得正匪死實生堂堂  
東坡斯文棟梁以正就木猶不忍僵昔我邑長君  
先大夫侍聞夢奠啓手奉扶木君咸施匪屏匪凡  
貽爾子孫無曰不祥之器

高紳蚤歲寓橫山冲虛館味泉極甘謂可比惠山惜  
不入陸鴻漸之品第太平興國中以太常少卿出  
宰故里 章聖時命其子夷直爲尉俾就養焉首  
訪是泉廢已久至是復騰涌郡別駕董黃中作詩  
序其事名高家父子泉時天聖三禩也

吳志載孫皓以陽羨山石室開表爲大瑞乃遣兼司徒董朝兼太常周處至縣封禪今碑自丞相而下十四人獨有大司空朝而無處名按處傳處仕吳止東觀令無難督無有兼太常之事豈史氏見處爲陽羨人輒附益耶當以碑爲正

周將軍廟在縣南東巷前臨荆溪即晉平西將軍周處之廟有唐模晉碑云內史陸機撰右將軍王羲之書字畫卑陋文詞鄙俚兼以其時考之多所謬

爲按晉書處於元康七年與齊萬年戰歿今乃云

九年疾卒陸機於大安元年爲成都王穎所害  
今乃云太興二年歸葬是機死已十七年不知爲  
此碑者果何人耶處旣死於節義當時名士如潘  
岳閻績輩皆作詩弔悼機與處俱是吳人又有雅  
故豈應無紀述恐歲久淪亡後人因附會爲此耳  
南唐徐以祠事過已爲廟像贊詞頗雄健皇  
朝紹興七年賜廟額曰英烈

舊說王介甫與東坡不相能介甫謂坡所作醉白堂  
記爲韓白優劣論坡聞而寄書謝曰不似介甫常

州學記乃學校策耳今常州學記乃平甫文非介甫也豈好事者誤耶

時邦美陽羨人父爲鄭州牙校部綱入蜀年六十有四妻亦四十餘未有嗣謂其夫曰我有白金百星願携以市妾庶得子爲身後計夫如其言至喻僧者獲一處子甚端麗扣其繇來默不對旦起見其括髮以布怪問之泣曰妾本京都人父終雅州掾母子扶柩至此貧無貲鬻鬻妾以歸時惻然亟奉處子訪其母曰某不願得此舉所餘金贖行掾妻泣

謝遂與護喪事如部曲抵京訪舍館且爲主葬既  
歸妻問故以實告未幾妻有娠一夕夢偉丈夫衣  
金紫道者九人皆披敗衲徑趨入金紫者獨留堂  
中逮旦邦美生堂後之天生九子故邦美小字十  
旬後舉進士仕至吏部尚書

方光武三衢人武學上舍補官爲宜興巡檢建炎三  
年金人犯境允武率土兵鄉夫迎戰于金泉至梅  
嶺而歿事聞特贈秉義郎官其子三人唐卿虞卿  
夏卿後俱至正副使信安志所載如此今義興雖

有金哀虜未嘗至疑當時叛將潰卒寇略未可知  
但允武死節可尚故錄之懼沒其實也

陳得一字晞夫岐公洪進後居晉陵崇寧間乘桴至  
日本國得卷書上有丹題付通微三字視之乃天  
文星歷遂精推步高宗朝日食正朔以御史張  
致遠薦召至祕省俾正歷義特命以官辭賜號通  
微處士始驗丹書之應歸隱聶野淳熙詔上其遺  
書周簡惠蔡嘗爲之序

周其姓者義興人晉永和中嘗出邑暮宿道傍草廬



一女子在焉夜間有小兒聲呼云阿香官喚汝推  
雷車女辭去既而大雷震詰旦視所宿處乃新冢  
孫鴻慶賦菴畫溪行有云阿香推雷車政援此事

一云周姓  
求和其名

劍僊吳氏適張太傅訓祕一柳箱戒勿啓率十數日  
一出夜從窻陳歸一日潛啓箱得短劍與阜半臂  
歸已先覺怒曰奈何背吾言衣半臂奄忽飛去箱  
固亡恙先是產一女吳倏自外至乳之太傅叱曰  
既去何復還吳不荅惟見燈光一綫如電徐視其

女首已亡矣栗齋筆豐因萍洲可談載其事爲賦  
詩略云安得俠婦數十輩夜入胡地殲犬羊收拾  
竟土還君王號爲壯士可羞死

史氏義興蔣弘謹妻也生子五歲而寡時年二十有  
二誓不嫁誨子以學孫堂仕顯封慶國夫人初居  
南湖妻甚育鵝自給朝饘去暮揭旗於岸則畢集  
焉穎叔嘗賦詩云凌風汎浪白於雲野放湖中曉  
至昏一舉招旗畢來集至今人號養鵝墩

洪忠宣皓夫人

氏建炎中

忠宣杖節留虜廷

夫人卒葬無錫白茅山子适遵適廬墓傍有桂松之瑞

胡淑脩字文柔晉陵人文恭公之女也事無湖李之儀讀書善屬文嘉祐中從其祖母至內庭見于柔儀殿慈聖光獻后拊之曰是胡氏有學能文之女乎後上元御宣德門觀燈命婦皆侍后顧曰能文之女何不來淑脩適在後呼而出賜冠被時皆榮之初之儀從東坡中山之辟淑脩曰蘇公名重一時讀其書有殺身成仁之志宜善事之之儀葬

母淑脩去衰襦運土封穴手植松栢以水灌之涕  
淚與水俱所植皆茂封靜安縣君

熙寧間具與朱臨致仕里居有僧智容來謁見其子  
行中因賀曰後舉狀元也明年果奏禮部名時智  
容適寓相國寺及殿試行中偶疾作條對不滿意  
卷上日方午裕陵覽而嘉之一日行中過智容  
就寺廊引見一丐者相與飲酒斗餘徐曰此人當  
唱第先生能留眄乎丐者曰汝云何師曰可冠多

但云偶數多聖

士入寺師不與

謂天下無人不復有此人行中  
曰此毗陵余行老未有聞某固識之及臚傳余果  
為第一行中次之行老名中

重修毗陵志第三十卷終

毘陵宋志惟教授三山鄒補之所撰十二  
卷見宋藝文志及陳氏書錄解題今不  
傳此本咸淳四年戊辰郡守史能之修延  
祐四年丁巳重刻在鄒志之後而藏之家  
無著於錄者近時查氏夏重補注蘇詩  
屠氏太鴻纂宋詩紀事如采用之起地  
理訖紀遺凡十九門計三十卷體例贗

備可稱良志明洪武初謝應芳增脩成  
化中孫偉德重脩雖未見其書於公  
原本於此惟卷首列圖有七而中為東  
玉蘊州府西玉應天府云々則已非史  
志之舊必史圖已佚後人傳鈔者據所  
錄為志之圖以補之耳世之藏書家  
間有是書殘闕殆半癸卯冬少權贈

予原闕十一卷至二十卷而午夏少校  
同長洲吳君望鳳莊東與此本互有缺  
失復為予轉借補鈔竟得九卷厘  
闕十一卷第一頁及二十卷詞翰餘公  
居始完好亦喜也至是志自康熙  
間陳善人玉璫脩後迄今百餘年  
未有踵其事者顧舍人之書間有



請保釐為以人必言每以唐少卿  
鵲徵志為可寶古書甚難良志兄  
勉列事回來梓又權與之所託乎  
爰亟裝之並識其畧乾隆己酉冬  
之居之士趙懷玉書於尔之生齋

嘉慶甲子十月吳縣黃丕烈借校一過